



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apologia|| Pro Reverendis. Et Illvstris.|| Principibus
Catholicis, ac alijs ordinibus Impe-||rij aduersus mucores
& calumnias Buce-||ri, super actis Comiciorum||
Ratisponæ.||**

Eck, Johannes

Coloniae, 1542

VD16 E 262

Confutatur adiectio Buceri.

urn:nbn:de:hbz:466:1-33616

167
 le concilium reijciantur, aut saltem ad nationalem synodū
 (si habendi generalis nulla spes fuerit) modo illa rite, & les-
 gitime cōuocetur, q̄ tandem in Germanica natione, Chris-
 tiana pax & tranquillitas conseruari possit.

MALIGNA BUCERI INTERPRETA-
 tio super responso Catholicorum.

Quantum progressa est sub nouo Euāgelio hominū
 temeritas, vt homo priuatus Bucerus nulla dignita-
 te conspicuus, solis erroribus notus & insignis, postquam
 cucullum exiit sibi & coniugi, audet obedientium princi-
 pum calumniari responsum, & hoc quidem amarulentius
 facit, alterū responsum improbās, vt suo loco videbimus.

Cum autē diuus Imp. noster à deo coronatus prædeces-
 sorum suorum sequatur vestigia, ac Romanum Pontificē,
 Christi in terris vicariū, omni veneratiōe debita prosequar-
 tur, velut Bononiæ fecit 1529. Romę 1535. & hoc anno 1541.
 Lucæ: tamen ob exulceratū animum (sicut solent habere
 Lutherani) in summū Pontificem S. D. N. affingit multa
 dicta diuo Cæsari, contra Pontificem & se, ap. Reiecit em̄
 responsum principum, eo quod causam detulerint iudicio
 Papæ, vbi nihil horum sperandum, si qui nouerint, quid
 Romæ credatur & viuatur, quæq; sint Papæ, maiorisque
 Cardinalium partis studia. Ideo officium erat principum,
 hanc causam, nō ad alios, minime autem omnium ad Ro-
 manos reijcere, &c. An Bucerus Romę fuerit an nō, nesciot
 vagum eum fuisse aliquando audiui per arces, tamen si ex
 me quærit quid Romæ credatur & viuatur. Respondebo es-
 go ei: Bonos, quorum magna est ibi multitudo, tam hone-
 ste viuere, tam religiose Deum colere, tantam habere deuo-
 tionem vt per dies vitę meæ, maiorem nunq̄ viderim. Cō-
 tra vero, tantam vidi impudentiā in discolis ac viuendi li-
 centiam, contra quā ecclesia mandat & obseruat, vt Buce-
 ro & sibi similibus, ecclesiæ præcepta, ieiunia, & cæremonias

Bucer falsus.
 farius.

vilipendentibus, maxime æquare videantur, nisi forte de se
de melius sentiant & credendis, q̄ Bucerus cū cohorte sua.

Non possum ergo adduci, vt Catholicus noster Impe-
verba præfata contra Papam dixerit, sed sint ficta à Buce-
ro, q̄ ex proprio loquitur, & amaro corde in se. ap. Quod
vt verum sit audiamus responsum suæ Maieftatis, in quo
nihil huiusmodi contemptus reperitur.

RESPONSVM IMP. AD PRIN-
cipes catholicos.

Imperatoria Maieftas, Clementissimus Dñs noster, res-
sponfionem Electorum, principum, statuum, & legato-
rum, eorum principum, qui absunt, pertinētem ad causas
religionis, & ad librum eis à sua Maieftate oblatum, probe
intellexit. Sperauerat autem sua Maieftas, Electores, prin-
cipes, ac reliquos status, postquam satis longo tempore li-
brum habuerunt, ac eum proculdubio examinerunt, aliis
quanto explicatius ac clarius exposituros suā sententiam.
Porro, quia semel in ea sententia, quā obtulerūt Imperat.
Maieftati, obfirmarūt animos, ne officio suo deesse sua Ma-
ieftas cuiquam videri possit, nihil ipsa intermissuram se of-
fert in hac re, quod quidem suam Maieftatem decet. Tra-
dere itaq; librum legato pōtificio parata est, ac cum eo cō-
municare, q̄ de huius etiam sentētia fieri certior possit &c.

Vt ergo Imperat. Maieftas acta colloquij expendenda
tradidisset legato Romano, Gaspari Contareno, S. R. E.
Cardinali, viro quidem ætate, eruditione, & moribus gra-
uissimo, & reuerendo. Is per literas respondit.

RESPONSVM LEGATI.

Nos Gaspar, miseratione diuina, Tituli Sancti Ap-
pollinaris S. Romanæ ecclesię presbyter Cardinalis,
Contareno, Sanctissimi Domini nostri Papæ, & sanctæ
sedis Apostolicæ, in partibus Germaniæ, de latere legatus.
Requisiti à Cæs. Maieftate, suo, ac Reuerendiss. & Illustriss.
Princis

Principum sacri Romani imperij nomine, quid nobis videatur de his, quæ in negotio religionis tractata sunt, inter collocutores catholicorū & protestantium, à Cæs. sua Maiestate deputatorum, & scriptis mandata, in quodam libro, exhibito eis à præfata Maiestate, cum quibusdam apostolis vtriusque partis, nec non in quibusdam quinternionibus Protestantium: dicimus, quod, omnibus bene discussis & consideratis, nobis videtur. Cum Protestantes in nonnullis articulis discedant à cõmuni consensu Ecclesiæ Catholicæ, in quibus tamen non desperamus, aliquando ipsos quoque, Deo bene iuuante, nobiscum consensuros, nihil amplius de reliquis omnibus statuendum, sed remittenda esse summo Pontifici, & Apostolicæ sedi, qui vel in cõcilio generali, cuius celebratio non multo post fiet, vel modo alio, magis oportuno, si res ita exegerit, ea poterit iuxta Catholicam veritatem diffinire, nec nõ habita rerum & temporum ratione, statuere, quæ videbuntur fore expediẽtia reipub. Christianæ, & huic inclitæ nationi Germanicæ.

GASPARVS, CARDINALIS CONTARENUS, Legatus apostolicæ sedis.

Legatus vir optimus & rege ecclesiasticæ impense peritus, interea vocat Archiepiscopos & Episcopos oēs, ac paterne eos adhortatur noie S. D. N. vt honestatem ac religionem seruent in diocæsibus suis secundum canonum sanctiones & decreta patrū ac concilioꝝ: qd magna fecit maturitate, vt est integerrimus, magna verborū copia, vt est eloquentissimus, argumentis efficacibus, vt est prudentissimus: at quia noluit approbare errores aduersarioꝝ, in eum qd dirius scripsisse fertur Melanchton: qd et si suapte natura sit mitissimi ingenij, patit tñ se seduci & exasperari, vt suos quoque prodat aculeos: Mordet virū inculpatissimū quoque hic Butzer & suo mucore aspergit: Et si dijs placet, contendit inanissimis verbis apud sectas esse consensum totius

Contaren.
Legat.

X in Ecclesiæ,